



Na osnovu člana 70. stav (3) i (6) i člana 72. stav (3) tačka (a) Zakona o javnim nabavkama („Službeni glasnik BiH“, broj 39/14) i člana 3 stav 1. Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

## ODLUKU

### Član 1.

Poništava se odluka o izboru najpovoljnijeg ponuđača za nabavku usluga štampanja omota spisa i ostalog štampanog materijala za potrebe Ustavnog suda Bosne i Hercegovine, broj P3-281/15-I od 7. jula 2015. godine, kojom se ugovor dodijelio najpovoljnijem ponuđaču „PLANJAX KOMERC“ d.o.o Jelah za ponuđenu cijenu u iznosu od 2.451,38 KM bez PDV-a odnosno 2.868,12 sa PDV-om.

### Član 2.

Prihvata se Preporuka Komisije za javnu nabavku iz zapisnika od 14. jula 2015. godine i ugovor za javnu nabavku usluga štampanja omota spisa i ostalog štampanog materijala dodjeljuje se drugorangiranom ponuđaču „ŠTAMPARIJA FOJNICA“ d.d. Fojnica, ponuda broj 162/15-2 za ponuđenu cijenu od 2.970,50 KM bez PDV-a odnosno 3.475,49 KM sa PDV-om.

### Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

## Obrazloženje

Odlukom o izboru najpovoljnijeg ponuđača za nabavku usluga štampanja omota spisa i ostalog štampanog materijala za potrebe Ustavnog suda Bosne i Hercegovine, broj P3-281/15-I od 7. jula 2015. godine, ugovor se dodijelio najpovoljnijem ponuđaču „PLANJAX KOMERC“ d.o.o Jelah za ponuđenu cijenu u iznosu od 2.451,38 KM bez PDV-a odnosno 2.868,12 sa PDV-om.

Dana 14. jula 2015. godine ponuđač „PLANJAX KOMERC“ d.o.o. Jelah je dostavio dokumentaciju traženu tačkama 3.4 tenderske dokumentacije.

Iz dostavljene dokumentacije utvrđeno je da ista nije dostavljena u skladu sa tačkom 3.5 tenderske dokumentacije odnosno da je ponuđač „PLANJAX KOMERC“ d.o.o Jelah dostavio uvjerenje o plaćenim obavezama po osnovu doprinosa za penziono-invalidsko osiguranje, zdravstveno osiguranje i osiguranje od nezaposlenosti, čiji je datum izdavanja stariji od tri mjeseca od dana dostavljanja ponude.

Na osnovu navedenog, može se zaključiti da ponuđač „PLANJAX KOMERC“ d.o.o. Jelah, u momentu predaje ponude, nije ispunjavao sve uslove navedene u Izjavi, te se smatra da je dao neodgovarajuću izjavu iz člana 45. Zakona o javnim nabavkama obzirom da dostavljena dokumentacija nije u skladu sa tačkom 3.5 tenderske dokumentacije.

Iz gore navedenih razloga, te s obzirom da je u postupku nabavke usluga štampanja omota spisa i ostalog štampanog materijala putem konkurentskog zahtjeva za dostavu ponuda dostavljeno sedam (7) ponuda sačinjenih u skladu sa uslovima iz tenderske dokumentacije, u skladu sa članom 72. stav (3) tačka (a) Zakona o javnim nabavkama, a na osnovu Preporuke Komisije iz zapisnika od 14. jula 2015.

godine, odlučeno je kao u članu 1. ove Odluke, te se ugovor za javnu nabavku usluga štampanja omota spisa i ostalog štampanog materijala za potrebe Ustavnog suda Bosne i Hercegovine dodjeljuje ponuđaču „ŠTAMPARIJA FOJNICA“ d.d. Fojnica, čija je ponuda po rang-listi odmah nakon ponude ponuđača „PLANJAX KOMERC“ d.o.o. Jelah.

Ova odluka objavit će se na web stranici Suda [www.ccbh.ba](http://www.ccbh.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**POUKA O PRAVNOM LIJEKU:**

Protiv ove odluke može se izjaviti žalba ugovornom organu, najkasnije u roku od 5 (pet) dana od dana prijema, na način definisan članom 99. Zakona o javnim nabavkama.

Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-281/15-II  
21. juli 2015. godine  
Sarajevo



Predsjednik  
Ustavnog suda Bosne i Hercegovine

Mirsad Čeman

**Dostaviti:**

1. Ponuđačima: 9.-
2. Finansijskom odjelu
3. Administrativnom odjelu/Arhivi